



Broj: 05-20-6906-8/21
Zenica: 11.10.2021. godine

Na osnovu člana 200. Zakona o upravnom postupku („Službene novine Federacije BiH“, broj: 2/98 i 48/99), člana 16. stav (3), a u vezi sa članom 21. stav (2) i stav (3) Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine Federacije BiH“, broj: 5/16), u postupku dodjele područja djelovanja veterinarskim stanicama na području epizootiološke jedinice Doboj-Jug, ministar Ministarstva za poljoprivredu, šumarstvo i vodoprivredu Zeničko-dobojskog kantona donio je:

RJEŠENJE

1. Veterinarskoj stanici „TEŠANJ“ d.o.o. Tešanj, Dobropolje bb, dodjeljuje se područje djelovanja označeno kao Zona 1 i Zona 2 na području općine Doboj-Jug (epizootiološka jedinica Doboj-Jug) i odobrava obavljanje slijedećih poslova:
 - svim vlasnicima/držiocima životinja na dodijeljenom području djelovanja pružiti stručnu uslugu, a poslove provođenje obaveznih mjera zdravstvene zaštite životinja propisanih godišnjom Naredbom i identifikaciju i kontrolu kretanja životinja, provesti u roku koji je propisan za pojedine mjere;
 - izdavanje svjedodžbe o zdravstvenom stanju životinja;
 - izvještavati Federalno ministarstvo poljoprivrede, vodoprivrede i šumarstva i Ministarstvo za poljoprivredu, šumarstvo i vodoprivredu Zeničko-dobojskog kantona o svim izvršenim obaveznim mjerama,
 - voditi propisane evidencije o izvršenim poslovima u pisanoj i elektronskoj formi.
2. Područje djelovanja obuhvata:
 - Zona 1: Matuzići
 - Zona 2: Mravići.
3. Sastavni dio ovog Rješenja je grafički prikaz granica područja djelovanja kao Zona 1 i Zona 2.
4. Ovo Rješenje važi do 28.12.2023. godine.

Obrazloženje

Obavještenjem Ministarstva za poljoprivredu, šumarstvo i vodoprivredu Zeničko-dobojskog kantona, broj: 05-20-6906-5/21 od 26.08.2021. godine, objavljeno na web stranici Zeničko-dobojskog kantona, pozvane su veterinarske stanice sa područja susjednih ili drugih općina, odnosno grada da u skladu sa Pravilnikom o uslovima za osnivanje i obavljanje veterinarske djelatnosti i načinu dodjele područja djelovanja („Službene novine FBiH“, broj: 5/16) podnesu zahtjev za dodjelu područja djelovanja na epizootiološkoj jedinici Doboj-Jug, Zona 1 (Matuzići) i Zona 2 (Mravići).

Članom 19. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine Federacije BiH“, broj: 5/16), (u daljem tekstu: Pravilnik) propisano je da zahtjev za dodjelu područja djelovanja veterinarska stanica podnosi kantonalnom ministarstvu uz koji dostavlja: ovjeren i od strane odgovornog lica potpisan spisak zaposlenih veterinaru, potvrdu Fonda PIO/MIO i Fonda zdravstvenog osiguranja (potvrda ne starija od mjesec dana od dana podnošenja zahtjeva) o izmirenim obavezama po osnovu doprinosa za zaposlenike, kopije licence, i potvrda/certifikata o obavljenim edukacijama u proteklih pet godina za svakog veterinaru, kod suda ovjerenu izjavu odgovornog lica da veterinarskoj stanici ili njenim zaposlenicima odlukom suda ili drugog nadležnog organa nije izrečena mjera zabrane obavljanja veterinarske djelatnosti.

Dana 13.09.2021. godine u Ministarstvu za poljoprivredu, šumarstvo i vodoprivredu sačinjen je Zapisnik o zaprimanju zahtjeva, broj: 05-20-6906-5-1/21 od 13.09.2021. godine u kojem je konstatovano da je po Obavještenju broj: 05-20-6906-5/21 od 26.08.2021. godine zaprimljeno ukupno pet zahtjeva (koverti)

veterinarskih stanica, i to: JP Veterinarska stanica „Doboj-Istok“ d.o.o Doboj Istok, Veterinarska stanica „Dr Jazvin“ d.o.o. Tešanj, Veterinarska stanica „MI-VET“ d.o.o. Tešanj, Veterinarska stanica „MUMU-VET“ d.o.o. Tešanj i Veterinarska stanica „TEŠANJ“ d.o.o. Tešanj. U Zapisniku je konstatovano da JP Veterinarska stanica „Doboj-Istok“ d.o.o Doboj-Istok nije registrovana na području epizootiološke jedinice Zeničko-dobojskog kantona odnosno da područje djelovanja u smislu člana 16. stav (2) Pravilnika podrazumijeva geografsko područje unutra jednog kantona, s prijedlogom da se izvrši povrat dokumentacije veterinarskoj stanici. Konstatovano je da je zahtjev Veterinarske stanice „Dr Jazvin“ d.o.o. Tešanj neblagovremen, s prijedlogom da se izvrši povrat neotvorene koverta. Dalje je utvrđeno da je zahtjev Veterinarske stanice „MI-VET“ d.o.o. Tešanj nepotpun, te isti nije uzet u razmatranje. Utvrđeno je da su dva zahtjeva, Veterinarska stanica „TEŠANJ“ d.o.o. Tešanj i Veterinarska stanica „MUMU-VET“ d.o.o. Tešanj blagovremeni, potpuni i isti su podnijeli zahtjev za dodjelu područja djelovanja za obje zone epizootiološke jedinica Doboj-Jug, Zona 1 (Matuzići) i Zona 2 (Mravići).

Uz zahtjev veterinarske stanice TEŠANJ d.o.o. Tešanj dostavljeno sljedeće:

- Ovjeren i od strane direktora potpisan spisak doktora veterinarske medicine, Veterinarske stanice TEŠANJ d.o.o. Tešanj, broj: 292/21 od 31.08.2021. godine
- Uvjerenje Porezne uprave FBiH, Kantonalni porezni ured Zenica, Porezna ispostava Tešanj, broj 13-4/12-5-1173/21 AM od 30.08.2021. godine u kojoj je navedeno da Veterinarska stanica „TEŠANJ d.o.o. Tešanj prema poreznoj evidenciji nema obaveza (original),
- Veterinarske licence i Uvjerenja o položenom stručnom ispitu za doktore veterinarske medicine izdate od Federalnog ministarstva poljoprivrede, vodoprivrede i šumarstva,
- Uvjerenje o činjenicama iz službene evidencije o tome da Veterinarskoj stanici nije izrečena zaštitna mjera zabrane obavljanja veterinarske djelatnosti prema važećim zakonskim propisima izdata od Općinskog suda u Zenici, broj: 043-0-R-II-21-000534 od 30.08.2021. godine.

Članom 16. stav (5) Pravilnika je propisano da zahtjev za dobijanje područja djelovanja može podnijeti registrovana veterinarska stanica na epizootiološkoj jedinici koja posjeduje rješenje o obavljanju veterinarske djelatnosti.

Nakon uvida u dostavljenu dokumentaciju i evidenciju ovog Ministarstva utvrđeno je da Veterinarska stanica „TEŠANJ“ d.o.o. Tešanj na osnovu Rješenja broj: 05-20-054-3/21 od 30.06.2021 godine i veterinarska stanica „MUMU-VET“ d.o.o. Tešanj na osnovu Rješenja broj: 05-20-8610-3/20 od 05.11.2020 godine su registrovane za obavljanje veterinarske djelatnosti na području epizootiološke jedinice Doboj-Jug, te da su ispunjeni uvjeti propisani članom 16. stav (5) Pravilnika.

Članom 20. stav (1) Pravilnika je propisan način bodovanje zahtjeva prema sljedećim kriterijima:

- kategorija svih naseljenih mjesta na kojoj se dodijeljeno područje nalazi,
- sjedište veterinarske stanice u odnosu na područje djelovanja,
- stručno iskustvo i educiranost veterinar koji će obavljati poslove na području djelovanja na koji se odnosi zahtjev,
- dodatni opći kriteriji: podatak iz evidencije kantonalnog ministarstva o obavljanju djelatnosti veterinarske stanice.

Uvidom u priloženu dokumentaciju veterinarskih stanica za svakog uposlenika - priložene licence i uvjerenja o položenim stručnim ispitima za doktore veterinarske medicine potvrđeno je da uposleni veterinari ispunjavaju kriterije vezano za potrebno radno iskustvo i osposobljenost za samostalno obavljanje poslova veterinarske djelatnosti. Postupajući u skladu sa propisanim kriterijima iz člana 20. Pravilnika, Ministarstvo za poljoprivredu, šumarstvo i vodoprivredu izvršilo je bodovanje zahtjeva.

Veterinarska stanica „TEŠANJ“ d.o.o. Tešanj ukupno je ostvarila 26 bodova, i to:

- kategorija naseljenih mjesta (I kategorija) - 1 bod,
- sjedište veterinarske stanice u odnosu na područja djelovanja - 4 boda,
- stručno iskustvo i educiranost veterinar - 18 bodova.
- podatak iz evidencije kantonalnog ministarstva o obavljanju djelatnosti veterinarske stanice - 3 boda.

Veterinarska stanica „MUMU-VET“ d.o.o. Tešanj ukupno je ostvarila 24 boda, i to:

- kategorija naseljenih mjesta (I kategorija) - 1 bod,
- sjedište veterinarske stanice u odnosu na područja djelovanja- 4 boda,
- stručno iskustvo i educiranost veterinara-18 bodova.
- podatak iz evidencije kantonalnog ministarstva o obavljanju djelatnosti veterinarske stanice-1 bod.

Shodno gore navedenom, obzirom da je Veterinarska stanica „TEŠANJ“ d.o.o. Tešanj prema kriterijima bodovanja ostvarila ukupno 26 bodova, ovaj organ je odlučio da Veterinarskoj stanici „TEŠANJ“ d.o.o. Tešanj dodijeli područje djelovanja u epizotološkoj jedinici Doboj-Jug, Zona 1 (Matuzići) i Zona 2 (Mravići).

Članom 21. stav (2) Pravilnika je propisano da se u rješenju obavezno upisuje opis poslova na dodijeljenom području djelovanja, te da je grafički prikaz područja djelovanja u prilogu rješenja i da čini njegov sastavni dio.

Shodno utvrđenom odlučeno je kao u dispozitivu ovog rješenja.

Za ovo rješenje naplaćena je taksa u iznosu od 10,00 KM, po tarifnom broju 10. Zakona o kantonalnim administrativnim taksama - Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 7/09, 2/10, 6/10, 9/10, 12/13 i 3/14), na račun Zeničko-dobojskog kantona kod ASA Banke Zenica na broj: 1340000001672 sa naznakom za vrstu prihoda: 722121.

POUKA O PRAVNOM LIJEKU:

Protiv ovog Rješenja može se izjaviti žalba Federalnom Ministarstvu poljoprivrede, vodoprivrede i šumarstva Sarajevo, u roku od 15 dana od dana prijema ovog rješenja. Žalba se predaje putem ovog Ministarstva, a može se i izjaviti na zapisnik i mora se taksirat sa 10 KM administrativnih taksenih maraka po tarifnom broju 9. Zakona o kantonalnim administrativnim taksama Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 7/09, 2/10, 6/10, 9/10, 12/13 i 3/14).

Dostavljeno:


1x Veterinarska stanica „TEŠANJ“ d.o.o. Tešanj

1x Kantonalna uprava za inspeksijske poslove, ovdje,

1x Federalno ministarstvo poljoprivrede, vodoprivrede i šumarstva,

1x g/u.

Obradivač akta: Imamović Abdulah



MINISTAR
Mirsad Hadžić
Mirsad Hadžić



Bosna i Hercegovina, Zenica, Kučukovići br. 2
Telefon: 032/460-750 i 460-751; Fax: 032/460 – 752
e-mail: min.poljoprivreda@zdk.ba
www.zdk.ba